

CONVENIO ENTRE A CONSELLERÍA DE ECONOMÍA E INDUSTRIA E O CONSORCIO AEROESPACIAL GALLEGO PARA A REALIZACIÓN DE ACTIVIDADES DE PROMOCIÓN, DIFUSIÓN E DIVULGACIÓN DO SECTOR AEROESPACIAL DE GALICIA

(Asinado electronicamente 31/07/2025)

REUNIDOS

Dunha parte, _____, conselleira de Economía e Industria, nomeada polo Decreto 44/2024, do 14 de abril, polo que se nomean os titulares das consellerías da Xunta de Galicia, que actúa no exercicio do seu cargo e en virtude das atribucións que lle confire o artigo 34 da Lei 1/1983, do 22 de febreiro, reguladora da Xunta de Galicia e da súa Presidencia.

Doutra parte, _____, presidente da Asociación Consorcio Aeroespacial Gallego (en adiante, CAG), actuando en nome e representación desa entidade, en virtude do establecido no artigo 18 dos seus Estatutos, designado para o cargo o 20 de setembro de 2015 e reelixido na Asemblea Xeral da asociación celebrada o 14 de decembro de 2023.

Interveñen, en función dos seus respectivos cargos, no exercicio das funcións que teñen conferidas para convir en nome das entidades que representan e,

EXPOÑEN

PRIMEIRO

Que a Consellería de Economía e Industria é o órgano da Administración Xeral da Comunidade Autónoma de Galicia ao cal lle corresponde o exercicio, entre outras, de funcións en materia de promoción e dinamización da economía, impulso e coordinación da política económica e industrial, apoio ao sector empresarial e mellora da competitividade das empresas, incidindo no desenvolvemento

tecnolóxico e a innovación, na transformación dixital, na sustentabilidade e na internacionalización.

O Decreto 140/2024, do 20 de maio, polo que se establece a estrutura orgánica da Consellería de Economía e Industria, dispón a creación da Secretaría Xeral de Industria e Desenvolvemento Enerxético como novo órgano de dirección ao que se lle atribúen, entre outras, a dirección, coordinación, planificación, execución, seguimento e control das competencias e funcións da Consellería en materia de industria. Este mesmo Decreto, dispón que, baixo a superior dirección da persoa titular da Secretaría Xeral de Industria e Desenvolvemento Enerxético, a Dirección Xeral de Estratexia Industrial e Solo Empresarial exercerá as competencias e funcións en materia de estratexia industrial, e o desenvolvemento, promoción e coordinación da política industrial dentro da Comunidade Autónoma de Galicia en colaboración cos distintos departamentos da Xunta de Galicia. Ademais, tamén recolle, dentro das competencias da Dirección Xeral de Estratexia Industrial e Solo Empresarial, as de coordinación do Centro de Investigación Aerotransportada de Rozas (CIAR) e de todas as súas actividades, a promoción e coordinación do Parque Industrial de Rozas (Lugo) e a xestión da Civil UAVs Initiative.

SEGUNDO

A Xunta de Galicia impulsa desde 2015 unha iniciativa estratéxica para o impulso do Polo Aeroespacial de Galicia, a través do cal a Xunta executa o seu compromiso co desenvolvemento dunha política industrial e de innovación activa orientada ao desenvolvemento da industria aeroespacial, apostando polo desenvolvemento de tecnoloxía de alto valor engadido dentro deste sector e polo crecemento do segmento dos vehículos aéreos non tripulados e de todos os sistemas e servizos vinculados no ese tipo de plataformas. Coas actuacións postas en marcha no marco da iniciativa, prevese consolidar o investimento público-privado e situar a Galicia como un polo aeroespacial de referencia no desenvolvemento e ensaio de aeronaves non tripuladas.

TERCEIRO

Que o Consorcio Aeroespacial Gallego (en adiante, CAG) é unha asociación sen ánimo de lucro, con personalidade xurídica propia e con plena capacidade de obrar para o cumprimento dos fins establecidos nos seus Estatutos. O CAG, inscrito no rexistro de asociacións da Xunta de Galicia co número 2015/019849, ten como

obxectivos prioritarios a promoción e o desenvolvemento da industria aeronáutica e aeroespacial galega para alcanzar un maior nivel de competitividade. Na actualidade, a asociación está integrada por máis de 40 membros, entre empresas, universidades e centros tecnolóxicos da comunidade autónoma de Galicia que son actores destacados no sector aeronáutico e aeroespacial e entre eles hai varios provedores habituais dos principais TIER 1 españois e europeos, así como de axencias aeroespaciais como a ESA ou a NASA.

CUARTO

Que o CAG, para a consecución dos seus obxectivos realizará, entre outras, as seguintes actividades:

- Servir como observatorio dos avances do coñecemento nas tecnoloxías e xestión empresarial no ámbito aeronáutico e aeroespacial e, do coñecemento en xestión empresarial, así como documentar tales coñecementos en libros brancos, catálogos promocionais ou de capacidades do sector.
- Promover a cooperación e a capacidade emprendedora co fin de potenciar, estimular e impulsar o tecido empresarial galego e a transferencia de coñecemento.
- Promover a boa imaxe, a visibilidade e a importancia da industria aeronáutica e aeroespacial galega tanto no ámbito autonómico como nacional e internacional mellorando o atractivo do territorio galego para o desenvolvemento futuro das actividades produtivas da industria aeronáutica e aeroespacial.
- Ser punto e lugar de encontro e debate de todos os axentes implicados na industria aeronáutica e aeroespacial, autonómica e estatal.
- Identificar, aflorar e agrupar intereses que dean resposta aos retos estratéxicos competitivos da industria aeronáutica e aeroespacial no seu conxunto.
- Propiciar, facilitar e intensificar a comunicación entre as entidades, así como entre diferentes segmentos de actividade que constitúen o sector aeronáutico e aeroespacial galego.

QUINTO

Que desde a súa creación o CAG foise consolidando como un actor clave na realización de actividades de promoción, difusión e divulgación do sector aeroespacial galego a través de actuacións como a organización do Congreso Internacional Aeroespacial do cal xa se celebraron seis edicións e están a preparar a

sétima neste ano 2025. Ademais, ven actuando como coordinador da asistencia das entidades do sector aeroespacial galego que teñen presenza en eventos internacionais como Xponential Europa , o maior punto de encontro da industria dos vehículos non tripulados e a robótica en Europa, ou Xponential EE.UU., que é o evento de maior importancia a nivel mundial no ámbito da industria dos sistemas non tripulados.

Tendo en conta o interese das entidades que conforman o sector da industria aeroespacial galega en asistir aos mencionados eventos e, tamén, co obxectivo de impulsar ese sector industrial, tanto o CAG como a Consellería de Economía e Industria, a través da Dirección Xeral de Estratexia Industrial e Solo Empresarial, están interesados en desenvolver actividades orientadas á promoción, difusión e divulgación do sector aeroespacial galego.

SEXTO

Que as partes consideran que as actuacións que se executarán no marco deste convenio contribuirán ao desenvolvemento da industria aeronáutica galega en xeral e ao impulso do sector de sistemas aéreos non tripulados, en particular, permitindo ampliar as capacidades do Polo Aeroespacial de Galicia.

Polo exposto, as partes acordan subscribir o presente convenio de colaboración, de conformidade coas seguintes

CLÁUSULAS

PRIMEIRA.- Obxecto do convenio

O presente convenio ten por obxecto regular as condicións da colaboración entre a Consellería de Economía e Industria e o CAG para desenvolver as actividades que se detallan no **Anexo I (Plan de traballo)** para a realización de actividades de promoción, difusión e divulgación do sector aeroespacial de Galicia.

SEGUNDA.- Obrigas do beneficiario

Sen prexuízo das demais obrigas establecidas no artigo 11 da Lei 9/2007, o beneficiario das axudas concedidas quedan obrigados a:

- Realizar as actuacións recollidas no Anexo I (*Plan de traballo*) e efectuar os correspondentes gastos e pagos segundo o previsto no Anexo II (*Orzamento previsto*).



- Destinar a axuda prevista neste convenio á realización de actividades de carácter non económico, e manter un sistema de contabilidade separado ou un código contable idóneo que facilite unha pista de auditoría axeitada en relación con todos os gastos realizados ao abeiro do convenio.
- Achegar os informes e documentos que acrediten o desenvolvemento das actividades do presente convenio, así como os informes e demais documentos requiridos.
- Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas, no exercicio das súas respectivas funcións de fiscalización e control de destino das axudas concedidas e facilitar a inspección e control dos órganos da Xunta de Galicia co fin de supervisar o cumprimento das actividades do convenio.
- Comunicar á Dirección Xeral de Estratexia Industrial e Solo Empresarial a obtención de subvencións e/ou axudas para a mesma finalidade que a do presente convenio, procedentes de calquera outra Administración pública ou de entes públicos ou privados, nacionais ou internacionais, tan pronto se teña coñecemento destas, e, en todo caso, con anterioridade á xustificación da aplicación dada aos fondos percibidos.
- No suposto de adquisición, construción e rehabilitación e mellora de bens inventariables, cumprir co disposto no artigo 29 da Lei 9/2007:
 - No caso de bens inscribibles nun rexistro público, o beneficiario deberá destinar os bens ao fin concreto para o que se concedeu a subvención durante un período mínimo de 5 anos. Ademais deberá facer constar na escritura esta circunstancia, así como o importe da subvención concedida.
 - En canto aos demais bens aos que se refire este apartado, deberán destinarse ao fin concreto para o que se concedeu a subvención durante o período mínimo de 2 anos.

Outras obrigas: Comunicación e difusión

1. O beneficiario deberá colaborar activamente con Consellería de Economía e Industria en cantas actividades sexan necesarias para a correcta comunicación das actuacións do convenio. Así mesmo, deberá informar previamente dos actos e comunicacións públicas que se desenvolvan en relación con este convenio, coa antelación suficiente para poder valorar a presenza institucional neles.
2. O beneficiario deberá facer constar expresamente a colaboración prestada pola Xunta de Galicia en todas as actividades informativas ou de promoción



en relación coas actuacións consideradas neste convenio e incorporar en todo o material e documentación de execución, información e publicidade das actividades do convenio o logotipo identificativo da Xunta de Galicia segundo as especificacións establecidas no Manual de Identidade Corporativa da Xunta de Galicia (<https://www.xunta.gal/identidade-corporativa/descarga-do-manual>).

TERCEIRA.- Orzamento e financiamento

- O gasto total das actuacións a desenvolver polo beneficiario no marco deste convenio, de acordo co orzamento previsto no *Anexo II*, ascende a 58.870,00 € para o ano 2025.
- Para o desenvolvemento desas actuacións, a Consellería de Economía e Industria, a través da Dirección Xeral de Estratexia Industrial e Solo Empresarial, concede ao CAG unha subvención por un importe máximo de 58.870,00 € para o ano 2025 con cargo á aplicación orzamentaria 09.03.561A.781.0 (código de proxecto 2025.00064) dos presupostos da Consellería de Economía e Industria - Dirección Xeral de Estratexia Industrial e Solo Empresarial.
- No importe indicado entenderase incluído o IVE, sempre e cando este supoña un custo real soportado polo beneficiario, podendo ser considerado gasto subvencionable. Neste caso deberá presentarse un certificado relativo á situación do beneficiario respecto o IVE.

CUARTA.- Pagamento da subvención

	2025
Axuda	58.870,00 €
Período realización gastos e pagos	<u>Desde:</u> 01/01/2025 <u>Ata:</u> 30/11/2025
Data límite presentación documentación xustificativa	05/12/2025

De non xustificar correctamente, cumprindo os prazos indicados, a cantidade total recollida na anterior táboa, a Consellería de Economía e Industria minorará a súa

achega proporcionalmente, sempre e cando se acadara o obxecto do presente convenio.

O pagamento realizarase unha vez comprobada a axeitada xustificación da subvención conforme co artigo 30 da Lei de subvencións de Galicia.

Anticipo:

Poderase realizar un pagamento anticipado ata un máximo do 50% do importe da subvención concedida, conforme ao artigo 63.Dous do Decreto 11/2009, do 8 de xaneiro, polo que se aproba o regulamento da Lei 9/2007 de subvencións de Galicia.

A concesión do anticipo quedará condicionada ao cumprimento, por parte do beneficiario, dos requisitos establecidos no artigo 31 da Lei 9/2007 e realizarase mediante resolución motivada, previa solicitude debidamente xustificada polo CAG.

Pagamento final:

O importe restante da axuda aboarase no momento da completa xustificación por parte do beneficiario e logo da comprobación do cumprimento das condicións establecidas nas cláusulas do convenio.

QUINTA.- Réxime de garantías .

No caso de solicitar o anticipo, o CAG deberá constituír a correspondente garantía conforme ao disposto no artigo 67 do Decreto 11/2009.

SEXTA.- Gastos e conceptos subvencionables

Os importes da subvención serán aboados trala presentación da documentación xustificativa da realización das actuacións financiadas segundo as cláusulas cuarta e sétima do presente convenio e logo da emisión dos correspondentes informes técnicos favorables por parte da Consellería de Economía e Industria, a cal poderá recorrer se o considera necesario, ao apoio de expertos externos.

De acordo co previsto no artigo 29 da Lei 9/2007, considéranse subvencionables os gastos que, sen admitir dúbida, respondan á natureza da actividade subvencionada e que se realicen no período comprendido entre o 1 de xaneiro de 2025 e as datas límite de xustificación establecidas no presente convenio.

En ningún caso o custo subvencionable poderá ser superior ao valor de mercado.

Cando o importe do gasto subvencionable supere as contías establecidas na Lei de Contratos do Sector Público para o contrato menor, o beneficiario deberá solicitar

como mínimo tres ofertas de diferentes provedores, con carácter previo á contratación do compromiso para a obra, prestación do servizo ou entrega do ben, salvo que polas súas especiais características non exista no mercado suficiente número de entidades que as realicen, presten ou subministren, ou salvo que o gasto se realizara con anterioridade á solicitude da subvención, de acordo co establecido no apartado 3 do artigo 29 da citada Lei 9/2007, na redacción dada ao mesmo pola disposición final segunda da Lei 2/2013, do 27 de febreiro, de orzamentos xerais da Comunidade Autónoma de Galicia para o ano 2013.

Ao abeiro do presente convenio considéranse actuacións subvencionables os investimentos e gastos realizados polo beneficiario que estean encadrados nos conceptos e cumpran as condicións que se detallan no Anexo I (*Plan de traballo*).

Os conceptos subvencionables no marco deste convenio son os que se relacionan a continuación:

- a) **Subcontratacións**, realizadas polo CAG con organismos de investigación, entidades ou empresas, precisas para o desenvolvemento das actividades cando as actuacións contratadas a terceiros supoñan a execución total ou parcial da actividade que constitúe o obxecto do mesmo.
- b) **Servizos externos** necesarios para a realización das actuacións previstas e que estean destinados de maneira exclusiva ás actividades do convenio. Consideraranse servizos externos aquelas actividades prestadas por terceiros de forma puntual.

Tendo en conta a imposibilidade de calcular o importe exacto de todas as actuacións previstas no marco deste convenio e que, polo tanto, a distribución detallada do orzamento recollida no Anexo II ten un carácter estimativo, o beneficiario, con previa comunicación á Consellería de Economía e Industria, poderá realizar modificacións entre os diferentes conceptos de gasto recollidos no orzamento previsto (Anexo II) sempre que se trate de minoracións iguais ou inferiores ao **20%** dos importes previstos para cada concepto de gasto. Estas minoracións, que non precisarán informe previo favorable da Comisión de Seguimento, incrementarán as dotacións doutros conceptos de gasto. Estas modificacións non poderán supoñer un incremento da subvención establecida nin modificar os importes da subvención prevista para cada anualidade nin as condicións de xustificación recollidos no presente convenio.

Á petición do beneficiario e previo informe favorable da Comisión de seguimento, a Consellería de Economía e Industria poderá autorizar modificacións na distribución

do gasto entre conceptos de gasto que supoñan minoracións nalgún deles superiores ao **20%** das previsións. Estas minoracións incrementarán as dotacións doutros conceptos de gasto.

En ningún caso se considerarán gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda. O imposto sobre o valor engadido (IVE) poderase considerar gasto subvencionable cando a entidade beneficiaria acredite mediante a correspondente certificación que se encontra acollida ao réxime de exención do IVE.

Para desenvolver as actuacións recollidas neste convenio, o beneficiario poderá recorrer á **subcontratación**, de acordo coa definición establecida no artigo 27.1 da Lei 9/2007: «cando concerta con terceiros a execución total ou parcial da actividade que constitúa o obxecto da subvención. Queda fóra deste concepto a contratación daqueles gastos nos que teña que incurrir o beneficiario para a realización por si mesmo da actividade subvencionada».

A subcontratación das actividades subvencionadas regularase polo disposto nos artigos 27 da citada Lei 9/2007 e 43 do Decreto 11/2009, respectando para o efecto o establecido no artigo 27.3 da Lei 9/2007, que establece que cando a actividade concertada con terceiros exceda do 20% do importe da subvención e o devandito importe sexa superior a 60.000 €, a subcontratación estará sometida ao cumprimento dos seguintes requisitos:

- Que o contrato se subscriba por escrito.
- Que a súa subscripción a autorice previamente a entidade concedente da subvención por escrito.

Para os efectos do establecido no citado artigo 27 da Lei 9/2007, o custo total das subcontratacións non poderá superar o **80%** do custo total das actividades subvencionadas, respectando ao efecto as prohibicións establecidas no punto 7 do citado artigo. Sen prexuízo do anteriormente indicado, e previa autorización da Consellería de Economía e Industria, o beneficiario poderá subcontratar con persoas ou entidades vinculadas, sempre e cando a contratación se realice de acordo coas condicións normais de mercado. O límite máximo para estas subcontratacións será do **50%** do importe total da axuda.

Respecto da previsión de subcontratación, o beneficiario da subvención deberá ter en conta a posible consideración como «poder adxudicador», segundo o establecido no artigo 3.3 d) da Lei 9/2017, de 8 de novembro, de Contratos do Sector Público. No

suposto de que concorran as circunstanciadas que leven ao beneficiario a ter a consideración como «poder adxudicador», este quedará sometido, no proceso de tramitación e adxudicación da contratación, ás prescricións contidas na lexislación sobre contratación administrativa do sector público.

SÉTIMA.- Forma de xustificación

Para a xustificación da subvención, o beneficiario achegará a documentación que se indica nesta cláusula. A documentación presentárase electronicamente. O beneficiario responsabilízase da veracidade dos documentos que presentan. Excepcionalmente, cando a relevancia do documento no procedemento ou esixa ou existan dúbidas derivadas da calidade da copia, a Administración poderá requirir de maneira motivada a exhibición do documento orixinal para o cotexo da copia electrónica presentada. Nos casos de imposibilidade funcional e /ou tecnolóxica que impidan a presentación electrónica da documentación, esta poderá presentarse presencialmente en calquera dos lugares e rexistros establecidos na normativa reguladora do procedemento administrativo común.

Se, transcorrido o prazo establecido para a xustificación da subvención, o beneficiario non presenta a documentación pertinente segundo o indicado no presente convenio, a Consellería de Economía e Industria a requirirá conforme ao artigo 45.2 do Regulamento da Lei de subvencións de Galicia, para que no prazo improrrogable de dez días a presente. A falta de presentación da xustificación nos prazos establecidos na cláusula 4ª comportará a perda do dereito ao cobramento total ou parcial da subvención, a esixencia de reintegro e demais responsabilidades establecidas na Lei de subvencións de Galicia. A presentación da xustificación no prazo adicional establecido non eximirá ao beneficiario das sancións que, conforme á lei, correspondan.

A xustificación dos gastos realizados na execución das actividades do convenio realizarase mediante a achega dunha conta xustificativa, conforme ao disposto no artigo 48 do Decreto 11/2009, consistente en:

- **Memoria técnica** xustificativa de cumprimento das condicións establecidas no convenio, con indicación das actividades realizadas e dos resultados obtidos. Deberán incorporarse todos os documentos que sexan resultado das actividades realizadas.
- **Memoria económica** xustificativa do custo das actividades realizadas que conterá:



- 1) Declaración do conxunto das axudas solicitadas ou concedidas para a mesma finalidade. De ser o caso, deberá achegarse unha copia da resolución da concesión desas outras axudas.
- 2) No caso de oposición expresa a que a Dirección Xeral de Estratexia Industrial e Solo Empresarial poida realizar as consultas polos seus propios medios, o CAG deberá de presentar as certificacións expedidas polas respectivas Administracións Públicas, que acrediten que está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma.
- 3) Un resumo da execución do proxecto en que conste o concepto subvencionable, o proveedor, o importe (diferenciando a base imponible e o IVE) e a data de emisión e de pagamento de cada un dos xustificantes presentados, agrupados por concepto de gastos e con numeración correlativa. Este documento entregárase tamén en formato dixital e editable para facilitar a revisión e comprobación dos datos.
- 4) Documentación xustificativa do investimento: documentos acreditativos dos gastos consistentes en facturas dos provedores ou documentos de valor probatorio equivalente con validez no tráfico xurídico mercantil ou eficacia administrativa, segundo o establecido no artigo 28.3 da Lei 9/2007 de subvenciones de Galicia, e no artigo 48 do Decreto 11/2009, polo que se aproba o regulamento da citada lei. As facturas deben conter suficiente información de detalle, que permita relacionala co gasto xustificado. Naqueles casos nos que a devandita información non sexa suficiente, será necesario aclarar o gasto realizado por outros medios. Cando o beneficiario non dispoña de facturas electrónicas, deberá achegar unha copia en formato pdf dos documentos orixinais.
- 5) Documentación xustificativa do pagamento: copia de transferencias bancarias, certificacións bancarias ou extractos bancarios, ou documentos obtidos a través da banca electrónica. Nestes documentos deberán estar claramente identificados o receptor e o emisor do pagamento que deberán ser o emisor da factura e o beneficiario da axuda, respectivamente; o número e o importe total da factura satisfeito. De non estar acreditado o pago íntegro mediante estes documentos nos prazos previstos na cláusula correspondente do presente convenio o gasto non será subvencionable. No caso de que no documento de pagamento non se faga referencia ás facturas, deberá ir acompañado da documentación complementaria que permita verificar a correspondencia entre gasto e pagamento. Non se



aceptarán aqueles documentos de pagamento que non permitan identificar claramente as facturas vinculadas ao proxecto a que corresponden.

No caso de que un xustificante de pagamento inclúa varias facturas, acompañarase dunha relación detallada delas en que se poida apreciar que o pagamento se corresponde coas devanditas facturas. No caso de facturas pagadas conxuntamente con outras non referidas ao proxecto, será necesario presentar o correspondente extracto bancario acompañado da orde de pagamento da entidade coa relación detallada das facturas ou alternativamente un certificado de ter recibido o pagamento das facturas incluídas na conta xustificativa, emitido por parte do subministrador.

En ningún caso se admitirán pagamentos xustificados mediante recibo do provedor nin os pagamentos por caixa ou en efectivo.

Non serán subvencionables partes de gastos que non estean íntegra e correctamente xustificadas de acordo co establecido nos parágrafos anteriores.

- 6) Respecto da documentación xustificativa do investimento e do seu pagamento, cando non sexa posible a presentación de copia auténtica electrónica poderá presentar unha copia en formato *pdf* dos documentos indicados realizada polo beneficiario acompañada dunha declaración responsable da autenticidade deses documentos achegados así como o compromiso de presentar os orixinais cando a Consellería de Economía e Industria llos requira.

Esta documentación xustificativa deberán incluír ao inicio do nome do arquivo electrónico o número identificador que se reflicta na relación de gastos indicados no resumo de execución.

- 7) No suposto de que o importe do IVE supoña un custo real soportado, poderá ser considerado un gasto subvencionable. Neste caso deberase presentar un certificado relativo á situación da entidade con respecto ao IVE.
- 8) Tres ofertas de diferentes provedores cando o importe do gasto subvencionable, no caso de adquisición de bens de equipo e contratación de servizos ou subministracións e materiais, iguale ou supere os 15.000€ no global do proxecto cun mesmo provedor. Cando polas especiais características dos gastos non exista no mercado suficiente número de entidades que os presten ou subministren deberá achegarse unha xustificación de tal circunstancia. Se a elección non tivese recaído na proposta económica máis vantaxosa, deberá achegarse unha memoria xustificativa.



- 9) No caso de subcontratacións, ademais da documentación sinalada no punto 8), deberá achegarse:
- Copia do contrato formalizado entre a entidade beneficiaria e a entidade subcontratista que prestou o servizo.
 - Factura emitida pola entidade subcontratada ao beneficiario na que se especifique claramente o título do convenio. No caso de que sexan varias as facturas, todas elas deberán especificar o título do convenio.
 - Xustificantes de pagamento da factura da subcontratación.
 - Memoria realizada polo subcontratista das súas actividades no proxecto, na que se debe incluír unha relación das persoas que participaron nas mesmas, unha descrición específica das actividades realizadas por cada unha delas e a porcentaxe de dedicación ás actividades do convenio.
- 10) No caso de bens inscristibles nun rexistro público, escritura de inscrición onde conste o importe da axuda recibida e o período durante o cal o beneficiario deberá destinar os bens ao fin concreto para o que se concedeu a axuda.
- 11) Documentación xustificativa (documentación gráfica, fotografías ou calquera outro soporte probatorio) do cumprimento das obrigas de comunicación e difusión previstas na cláusula Segunda.

A Consellería de Economía e Industria resérvase o dereito de solicitar toda a documentación que considere precisa en relación coa xustificación do cumprimento do obxecto do convenio.

OITAVA.- Compromisos do beneficiario previos á sinatura do convenio

Presentar a seguinte documentación:

- Certificacións que acrediten que se encontra ao corrente no cumprimento das súas obrigas tributarias coa AEAT e fronte á Seguridade Social e que non ten pendente de pagamento ningunha outra débeda coa Administración pública da Comunidade Autónoma de Galicia, en cumprimento dos artigos 11.e) da Lei 9/2007. A presentación das citadas certificacións pode substituírse por unha autorización para que a Consellería de Economía e Industria realice as consultas de comprobación ante a Axencia Estatal da Administración Tributaria, a Tesouraría Xeral da Seguridade Social e a consellería competente en materia de facenda da Xunta de Galicia, segundo o establecido no artigo 20.3 da Lei de subvencións de Galicia.
- Declaración responsable de non estar incurso en ningunha das prohibicións para a obtención de subvencións consideradas no artigo 10 da Lei 9/2007 de subvencións de Galicia.

- Declaración responsable de todas as axudas solicitadas e concedidas para a mesma finalidade ou os mesmos custos, procedentes de calquera Administración ou ente público ou privado, nacional ou internacional.

NOVENA.- Alteración das actuacións

Toda alteración nas accións a realizar deberá ser obxecto de autorización pola Consellería de Economía e Industria e formalizarase mediante a correspondente addenda ao presente convenio, conforme ao artigo 35 do Decreto 11/2009.

Segundo as previsións do artigo 31.4 da Lei 14/2013, do 26 de decembro, de racionalización do sector público autonómico, relativo á contratación sustentable, os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sostibilidade financeira. Ditas modificacións terán por obxecto a redución do volume das obrigas ou a ampliación do seu prazo de execución.

DÉCIMA.- Compatibilidade con outras axudas

A axuda concedida será incompatible con outras subvencións concedidas para as mesmas actividades que se desenvolvan no marco deste convenio e que estean financiadas cunha intensidade do 100%. As partidas financiadas cunha intensidade menor ao 100% serán compatibles con outras subvencións concedidas para cofinanciar a porcentaxe que debe asumir a entidade ata chegar ao 100% do custo.

DÉCIMO PRIMEIRA.- Réxime aplicable e reintegro

Estas axudas estarán suxeitas ao disposto na Lei 9/2007 de subvencións de Galicia e ao Decreto 11/2009, do 8 de xaneiro, polo que se aproba o regulamento da devandita Lei.

O incumprimento total dos fins/obxectivos do convenio, determinado a través dos mecanismos de seguimento e control, da realización do investimento financiable ou da obriga de xustificación, serán causa de perda do dereito ao cobramento ou de reintegro total da subvención.

Considerarase igualmente como incumprimento total a xustificación de menos do 50% do gasto subvencionable previsto no convenio, coas consecuencias previstas no parágrafo anterior.

No caso de que se xustifique un gasto subvencionable inferior ao recollido no convenio, pero igual ou superior ao 50% daquel, considerarase a existencia dun

incumprimento parcial e dará lugar á perda do dereito ao cobramento da subvención na porcentaxe correspondente ao gasto ou investimento non xustificada.

O incumprimento parcial dos fins/obxectivos do convenio establecidos dará lugar á perda do dereito ao cobramento ou ao reintegro parcial da subvención na porcentaxe que determine a Consellería de Economía e Industria.

DÉCIMO SEGUNDA.- Comisión de seguimento.

Para facilitar a execución e desenvolvemento, así como o seguimento e cumprimento do presente convenio, constituirase unha comisión paritaria, formada por dous/dúas representantes de cada parte asinante. Esta Comisión actuará como órgano de vixilancia, seguimento e control do establecido neste convenio. Así mesmo, esta comisión supervisará a programación das accións concretas ás que se refire o convenio e avaliará e controlará as actividades realizadas.

A comisión reunirse en sesión constitutiva nun prazo non superior a un mes desde a sinatura deste convenio. Así mesmo, reunirse tantas veces como o soliciten as partes para analizar o grao de cumprimento dos obxectivos fixados, propor a resolución dos conflitos específicos que puidesen exporse e realizar calquera outra actuación de coordinación que se estime precisa.

O/A presidente/a da Comisión, que será un dos representantes da Consellería de Economía e Industria, terá voto dirimente.

O funcionamento da Comisión de Seguimento farase ao abeiro do réxime xurídico dos órganos colexiados contido na sección III, no capítulo I do título I (artigos 15 e seguintes) da Lei 16/2010, do 17 de decembro, de organización e funcionamento da Administración Xeral e do sector público autonómico de Galicia.

DÉCIMO TERCEIRA.- Causas de resolución

Serán causas de resolución do convenio, procedendo ao reintegro total ou parcial da axuda percibida e dos xuros de demora correspondentes dende o momento do pagamento da subvención ata a data na que se acorde a procedencia do reintegro, as determinadas no artigo 33 da Lei 9/2007.

En especial, son causas de resolución do presente convenio as seguintes:

- A desviación dos fondos outorgados para outra finalidade distinta da sinalada neste convenio.
- O incumprimento da obriga da xustificación do investimento realizado.

- O incumprimento de calquera outra das cláusulas establecidas no convenio.
- O transcurso do tempo establecido sen que se desenvolva este.
- O mutuo acordo das partes.

DÉCIMO CUARTA.- Publicidade e rexistro de convenios, transparencia e bo goberno

A entidade beneficiaria comprométese en materia de publicidade e rexistro de convenios, transparencia e bo goberno a:

- Dar consentimento expresamente o tratamento necesario dos datos relevantes deste convenio e a súa publicación na páxina web e no Diario Oficial de Galicia, coas excepcións previstas no artigo 15.2º.d) da Lei 9/2007.
- Prestar consentimento expreso á publicación na Base de Datos Nacional de Subvencións, nos termos previstos no artigo 20 da Lei 38/2003, de 17 de novembro, xeral de subvencións, modificado polo artigo 30.3 da Lei 15/2004, do 16 de setembro, de racionalización do sector público e outras medidas de reforma administrativa.
- Dar consentimento expreso á Consellería de Economía e Industria para incluír e facer público, a través do Portal de transparencia e Goberno aberto e nos rexistros regulados polo Decreto 132/2006, do 27 de xullo, polo que se regulan os rexistros públicos de axudas, subvencións e convenios e sancións, os datos referidos ás axudas e subvencións recibidas ao abeiro do presente convenio.
- Subministrar toda a información necesaria para que a Consellería de Economía e Industria poida dar cumprimento ás obrigas recollidas na Lei 1/2016, do 18 de xaneiro, de transparencia e bo goberno. No caso de que o beneficiario non atenda ao requirimento de información en prazo, procederáse conforme ao establecido no artigo 4.4 do citado texto legal.
- Seguir as normas sobre protección de datos, concretamente a Lei orgánica 3/2018, de 5 de decembro, de protección de datos persoais e garantía dos dereitos dixitais.

Os asinantes do convenio manifestan o seu consentimento ou autorización para que a Administración galega inclúa e faga públicos os datos referidos ao presente convenio, de conformidade co artigo 5 da Lei 1/2016, relativo aos deberes específicos en materia de información sobre convenios, e co disposto no Decreto 126/2006, do 20 de xullo, polo que se regula o rexistro de convenios da Xunta de Galicia.

DÉCIMO QUINTA.- Responsabilidade

A subscrición do presente convenio non implicará relación laboral contractual ou de calquera outro tipo entre os profesionais ou entidades que vaian desenvolver as actuacións obxecto deste convenio e a Consellería de Economía e Industria, de tal xeito que non se poderá esixir a esta responsabilidade ningunha, nin directa nin subsidiariamente, polos actos ou feitos acaecidos no desenvolvemento do devandito convenio

DÉCIMO SEXTA. Vixencia

O presente convenio de colaboración estará en vigor dende o momento da súa sinatura ata o 31 de decembro do 2025, sen prexuízo de que se poidan imputar gastos dende o 1 de xaneiro de 2025 tal e como se establece na cláusula 4ª do presente convenio.

DÉCIMO SÉTIMA.- Natureza xurídica e resolución de conflitos.

Este convenio terá carácter administrativo, rexéndose polas súas propias cláusulas e en todo o non recollido nelas aplicaráselle o disposto na Lei 9/2007, de subvencións de Galicia, no seu regulamento aprobado no Decreto 11/2009, e pola restante normativa que no seu caso resulte de aplicación.

As axudas obxecto do presente convenio están dirixidas á realización de actividades de carácter non económico por parte dunha asociación de entidades que está a disposición de todo o sector empresarial dun xeito indiscriminado sen que iso supoña beneficio económico para o CAG.

Non obstante, se das actuacións incluídas neste convenio se derivasen actividades de carácter económico, o CAG como organismo beneficiario das axudas, deberá reintegrar a subvención recibida na medida da actividade xerada.

A Consellería de Economía e Industria ostentará as prerrogativas de interpretación, modificación, resolución e nulidade propia dos negocios xurídicos administrativos, de acordo coa Lei de contratos do sector público. As cuestións litixiosas que podan xurdir na interpretación e cumprimento do convenio serán de coñecemento e competencia da Orde Xurisdiccional do Contencioso - Administrativo.

E en proba de conformidade, subscriben o presente documento.



Pola Consellería de Economía e Industria

Polo Consorcio Aeroespacial Gallego



ANEXO I PLAN DE TRABAJO

As actuacións que se desenvolverán no marco deste convenio son as seguintes:

1. Promoción, difusión e divulgación.
2. Coordinación e asistencia técnica do proxecto.

O CAG organizará esta actividade a través dun calendario de asistencia a eventos de promoción, divulgación e difusión que se levarán a cabo ao longo do período de vixencia do convenio.

A continuación detállanse as actividades previstas neste Convenio:

A) **Promoción, difusión e divulgación.**

As tarefas que se prevén realizar nesta actividade son as seguintes:

1. Asistencia a Xponential Europe.
2. Asistencia a Xponential EEUU.
3. Organización do VII Congreso Internacional Aeroespacial.

B) **Coordinación e asistencia técnica do proxecto.**

Servizo que se prestará por unha entidade coa capacidade, competencia e recursos humanos suficientes para realizar todas as tarefas propias dunha oficina técnica e para coordinar as actuacións previstas de promoción e difusión, incluíndo a interlocución coas institucións e coas empresas do sector.

Cronograma de actividades e entregables

			2025											
WORK PACKAGE	ACTIVIDADES	ENTREGABLES	1	2	3	4	5	6	7	8	9	10	11	12
T3 Promoción, difusión e divulgación	Xponential Europe	evento/seminario/xornada técnica/workshop/congreso												
	Xponential Houston	evento/seminario/xornada técnica/workshop/congreso												
	VII CIAG	evento/seminario/xornada técnica/workshop/congreso												
T4 Coordinación e asistencia técnica do proxecto														



ANEXO II

ORZAMENTO PREVISTO 2025
58.870,00 €

ORZAMENTO PREVISTO POR CONCEPTO DE GASTO	
CONCEPTO DE GASTO	IMPORTE PREVISTO
Subcontratacións [Coordinación e asistencia técnica do proxecto]	14.400,00 €
Servizos externos [servicios necesarios para participar nos eventos (reserva de espazos, construción de stand e aluguer de medios audiovisuais, desprazamento e aloxamento das persoas que atenden ol stand), servicios necesarios para a organización do VII CIAG 2025 (reserva de sala, medios audiovisuais, desprazamento e aloxamento poñentes, fotógrafo, catering, cartelería e material impreso ...) servicios necesarios para organizar foros de presentación dos estudos e catálogos (reserva de sala, medios audiovisuais, catering...)]	44.470,00 €
TOTAL	58.870,00 €

ACTIVIDADE	ORZAMENTO PREVISTO
Promoción, difusión e divulgación do sector aeroespacial galego.	44.470,00 €
Coordinación e asistencia técnica do proxecto	14.400,00 €



XUNTA
DE GALICIA

CONSELLERÍA
DE ECONOMÍA
E INDUSTRIA



CAG

CONSORCIO
AERONÁUTICO
GALLEGO

TOTAL	58.870,00 €
-------	-------------